

گونده رن: علي.ب.تورك

لاله گولونون حيكايه سي

دئيرلر كي قديم زمان لاله گولي؛ گوزل، گويچك، آغ آياغ، آي پارچاسي
كيمي بير قيزميش. دونيادا نه غم گورموش نه بير درد چكميشيدي. لاله بوييا-
باشا چاتيپ بويودوكدن سونرا اونې بير گوزل اوجا بوليلي ويقارلي اوغلانا
ونرميشلر. اوندان سونرا لاله نين گوزليگي داها چوخاليپ لاپ گويچكلنميش.

گونلر كنجيب آيلار اوتوشوب لاله نين ياشاديغي يئرده ساواش دوشموش و
اونون اريده ساواشا گندميش. لاله اريندن آيرلان زمان اونا دئير كي: من
باهارين قيزيام، سني عومور بويي گوزليجگم.

لاله نين اريده دئير كي: منده باهارين اوللينجان دونرم.

لاله باهارين اولينده قيرمизи دونون گئييب داغ اتگينده اريني گوزلمگه
باشلاميش. خيلك زمان دوزدوكدن سونرا اورگي گوزلمكدن قاراليپ آغلاماقا
باشلاميش. اوندا كي گورموش داها اريندن بير خبر يوخ آلاهدان ايستميش كي
اوني بير گوله دونده رسين. آلاهدا اونون آرزوسون يئرینه يئتيريپ او گون
بوگوندور باهارين اوللينده لاله گولي داغ اتكلرينده قيرمизи دونلا، باغري
قاپ قارا رنگينده بيتيب توپراق اوغروندا اولن شهيدلرين يولارين گوزلر.